



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 六〇六

樂志堂文集十八卷樂志堂文續集二卷樂志堂詩集十二卷 譚 瑩 撰

一

補讀室詩稿十卷 朱 蘭 撰

四六七

守柔齋詩鈔初集四卷守柔齋詩鈔續集四卷 蘇廷魁 撰

五六一

守柔齋行河草二卷 蘇廷魁 撰

六一九

今樵詩存八卷 黃 治 撰

六三七

樂志堂文集卷一

南海 譚 瑩玉生撰

百花生日賦

壽安坊裏花如繡萬花會惜花枝瘦無雨無風花自住
年年歲歲花同壽批紅判白壽花詩秋菊春蘭各一時
豔福能消幾千朵小劫猶然十萬枝宴天孫於璇室候
阿母於瑤池二月挑菜之節中甸進瓜之候撲蝶會宜
祈蠶俗舊待羯鼓之喧聞聽金鈴之節奏風淡蕩於佳
晨日曉臨於永晝四照徘徊扶闌盛開金盆碧醺繡被
紅堆霞九光而作瓊露五色以凝杯整香鬢而欲出垂

樂志堂文集卷一

七

翠袖以仍回敞雙環之屏幃下七寶之樓臺括香園角
顧影堂隈月姊曾來日兄俄至帳迂風姨旖旎星使縱
新蒲細柳之聯豈翠柏蒼松所賜太乙蓮浮湘妃竹醉
鸞聞三請燕賀雙高歌有雪衣娘子舞爲錦帶功曹鳳
子信神仙所幻蜜官兼將相之豪蟻蟻赤幘螳螂綠袍
遂有山郭輪蹄郊園士女分隔仙凡交同爾汝入座右
而能勸向尊前而畧敘千秋萬歲之詞益壽延年之語
知色相之俱空惜流光之如許是蓋序有涼燠同闕盛
衰合作供養端能主持悟培植之有漸歎開落之無私
祝長生而不死歷終古兮芳時春日花仍舊春人贊有

樂志堂文集卷一

二

絲爰爲之歌曰佳節雨霽春紅點砌殷一年花事盡
拚永掩柴關又歌曰愛花心事總分明今歲今朝雨不
成乞與天公長判斷一年雨足一天晴



擬陸士龍歲暮賦 有序

昔陸清河作歲暮賦謂適有姑姊妹之喪故言哀入痛
集無是也然而海氛不靖時局難言雪虐風饕星移物
換琴書仍暇笳鼓疊聞時凜冽其易哀歲崢嶸以將盡
雖圍籩足樂而羽檄交馳不無危苦之詞實冀澆漓之
返則故國平居滄江獨臥遭逢迥異而心緒之薄惡者
同也爰擬作此賦而不襲其體其詞云

歲序已殫冬春欲變竹爆燒多桃符換遍誰工守歲之
吟家設迎年之醺細腰鼓打其曾停婪尾孟斟見成廷
詩而自遣版須鬱偏以仍題歷檢樓羅而懶看畧似帝

樂志堂文集卷十

三

京景物記沿荆楚歲時續班蘭臺禮儀之志補范石湖
樂府之詩儻公儻母晝袴朱衣照虛耗以仍耗賣狀癡
其益癡覓如願以曷冀絮長恩於所司庭無謝雪以彌
寒窖匪唐花而可咏細雨偏濃朔風猶勁消夜之果誰
分見乾淳
歲時記編年之稿自訂千門之燎照樓數日之炊見江
南通盈甌柏酒逡巡辛盤餽釘戲鏐一鳳以難成陡憶
五羊之全盛若夫餘慶天垂長春地接銀罍兼翠管駢
羅劇蒙與瓊簾重疊隔歲買元夕之燈小節榜更春之
帖壽玉后則遙想郊禋封黃羊而慣作腰膾書戶則詞
翰兼美晤廳而鼓吹相答蘇內翰肯作孤山之遊權文

樂志堂文集卷十

四

公亦有龍沙之集即謂陳修不起江偉廓焉孟東野則
友人贈炭江休映則宿衛割璫方朔足用康成漠然史
監門則吟成五步賈長江仍詩祭一年商陸有火博塞
無錢亦結烏金之社見清
異錄居然獨立之仙同復有麤成
萱草饒造脂花樓覓楊梅楷插芝蔴喜子之挑各各紫
姑之賽家家面脂頭膏之榮寵椒梓錫櫟之紛拏卜抱
鏡以潛聽戲藏弔而特譁晚粧簪水仙之萼春燈翦菩
提之紗以至祀牀公迎竈帝並見楊
循吉詩孟姥孟公之祝偃
子萬童之戲戲物有犀象花朵歲軸有金銀珠翠言言
皆福壽宜春字字總吉祥如意奏管彈絲之樂獻棚饋
糕之細打灰堆其誰學燕爆仗以如沸机盆燭天歲炬
然桂清寒之門第旦然復何論於富貴其奈刁斗遍野
旌旗蔽空和蕃有策橫海無功帆遠張錦礮環燕銅鯨
鮑偃蹇狐兔蒙茸書生養士吾輩從戎營未春而柳細
幕匪夏而蓮紅笑將軍之大樹悲蕭瑟之寒風加以嶺
海瘴夷浙閩消息壁壘可知關山無極戰艦不存征裘
屢易燐火飛兮星無光憫樓語兮雪霜積殺氣慘兮夕
照黃哭聲哀兮孤月黑弔戰場以涕零聞畫角而心惻
歲月如梭柴門薜蘿敢復談劍無由荷戈撫良時兮難
再覺樂事兮偏多喜太平兮有象知天運兮如何殘年

風雪全局關河對短檠以枯坐拍銅斗兮長歌

閏中元賦 有序

咸豐甲寅閏秋久住愁城再逢笑節羈棲何地平居仍荷佛緣橋餓有人望治幾同鬼趣憫而代爲之賦其詞云

鬼猶求食秋以爲期况值中元之閏樂游初地之時

華林寺在西來初地粵人歲中元於此設盂蘭盆會仙城檀施鬼節桐知紙馬芻船

兮客與瓜犀藕節兮甘滋水陸之名齋各具香花之淨

供尤宜何連番之閨寂惟兩度之翹思寇氛轉熾佛力

難支歲在甲寅月建壬申江無鐵鎖地盡黃巾始連營

於村落旋飛礮於城闐戈鋌遍野烽燧兼旬梟梟鯨鯢

之族沙蟲猿鶴之民痛萍漂兮梗泛知絮果兮蓮因眞靈不降老佛應嗔待補莊嚴之設偏逢歲序之均而乃累月構兵經時轉戰久稽華野之誅遂似黎邱之變鐵額銅頭彪身馬面潰圍當戟踰溝著箭人家之生計蕭然地獄之全圖活現日月須臾幽明露電何寺敷筵誰家營奠度孤者三十六銓眞一月三秋而不見於時涼颺聿至孤月重圓旗幟似雪竄冷無烟觸懷之臺未築人頭之埃屹然誰參寶刹莫禮金仙幡幢不挂鐘磬徒懸迷津罔覺恨海難填冤霜晨墮餓焰宵燃又是團圓之夕長此奈何之天盆莫供夫盂蘭經誰誦夫目蓮使

當嶺海清怡間和晏三元得氣之中七月抵秋之半
慶令序之難逢覺炎涼之早換聞經七夕而倍憐會借
中秋而共贊思集福於家庭期度亡於寺觀花果芳馨
香燈璀璨珠翠駢羅金銀絢爛比前度以彌奢較昔年
而若判詎謂人歌長楚地嘯荏蒲澤多鳴雁屋盡瞻烏
營開市靜門掩城孤僵尸堆塚戰血模糊或搏膺而言
得請或被髮而訴無辜宜學吞刀之技如觀揭鉢之圖
方幸再來乎淨域難霜一勻於齋廚况復四海未安中
原多故西粵依然南京久住國殤之一去杳冥禪誦則
再期聲護蘄蘭未開旂檀莫炷齋恨可知禮魂誰賦夢
遠戍者今彌年弔古戰場今無數更虛願之難迴候流
光之暗度新鬼故鬼上元下元梧桐舊內蔭荔荒村梨
花古墓蔓草平原年年寒食度黃昏憑仗慈悲之偈
評量解脫之恩須佈施之稠疊悟來去之精魂沈冥寂
滅蘊結煩冤鬼能爲厲佛總無言已矣哉慧日當升妖
星漸落期夢飯今艱難笑藕絲今纏縛藉梵唄之雙鳴
俟法筵之重作鐘警纔醒輪迴匪託際 景運之承平
合衆生兮安樂

樂善堂集卷一

七

石門懷古賦 有序

石門在南海縣西北三十里郡國志謂南粵呂嘉拒漢
積石江中爲門因名石門前人辨之已詳竊嘗買舟過
此按諸圖經固未敢謂其言可據然嘉南粵蓋臣也使
能於此積石拒漢或未遽至覆亡乃天欲以全粵隸中
國卽起趙佗於九原興兵絕道且無能爲役嘉奈僕何
哉石門之破嘉之不幸全粵之幸也暇輒攬筆而爲之
賦亦以禪將陽故侯毅魄云其詞曰

樂善堂集卷一

八

莽莽平楚滔滔逝川石立陡絕門開呀然不見當時破
粵楊僕樓船城郭返照帆檣暮烟漁笛喧而海潮急僧
磬沈而江月圓當夫帝賜哀憐臣奉貢職五嶺遙通三
關匪隔迨漢使之不還卽粵兵之宜扼豈銳矛之未酷
第封節以奚益天子既親降璽書鄰國亦交馳羽檄變
弭蕭牆禍除肘腋中外一家河山半壁險非力士之開
峻似巨靈之壁異函谷而可封匪成皋而亦塞卽使其
下湏水而逕來統懸軍以深入無間道之可由有潛師
而易躡島嶼沙平林巒壁立火艦風船山樓粉堞木蟻
板徭奇材劍俠四山則草木兵喧萬里則雲雷陣合鼓
作者易衰鞭長者莫及戰于貧而先軫不歸禦於敬而
孟明可執白起無坑趙之慘王濬無平吳之捷偏霸中

興宗臣累葉而乃敗同鵠岸偏甚虎牢迎刃輒解前鋒
始交渡水者以擗仍怯斷流者投鞭不勞雷鳴鼓角日
耀旄旌軍排犀甲隊肅銀刀被江而下入海焉逃救關
與而趨奢膽決度陰平而鄧艾功高風以利而偶泊水
方生而敢嘲挾太山而壓累卵然嶠火以燎秋毫馬首
是瞻而竟克犬牙相錯而誰邀形格已奪血戰相塵士
氣佗城之焰軍聲尋陋之濤遂使鳥竟焚巢蛇爭奔穴
阿房已焦中山必拔守卽墨而事去燒夷陵而氣奪往
自跳梁煙能拒敵神降而號亡鬼謀而曹滅劉無玉斧
而何憑莫比金甌而亦缺嶺海劫灰君臣喋血九郡席

樂志堂文集卷十一

捲三城瓦裂竊國者百祀而忽諸稱制者五王而竟絕
吳宮則麋鹿游多越殿則鷓鴣啼徹是蓋謀分成敗業
有廢興苟憑恃乎一戰當鞏固乎千齡慨中原之板蕩
外聖主之威靈唯偏隅之清淑合壹統乎隆平衣冠彌
盛帶礪誰盟羈縻者軍無闕志震疊者國有先聲又安
問乎攻守之陳述與險易之殊形獨惜酷吏主兵偏師
就道建瓴之勢已成獲粟之功尤著而慘殺可誅淫刑
敢恕經鬼村則名籍難更毀神廟則瓣香誰炷楊僕廟毀於唐
嶺南節度使韋正貢迄今看花登陸賈之城則薛謁任囂之墓載
鶴肩舟撈蝦古渡漁樵莫謝英風山水似含餘怒戰壘

客尋詩山無墮淚碑卻近沈香浦煎茶刺史祠松篁並
展香苻漢鬚眉綠雲與白鷗閑倘識興亡局

樂志堂文集卷十一

十一

鹽田賦 有序

鹽田粵東大利也而年來浸不逮昔議者欲稍爲變通之說不知粵鹽之壞壞於販私販私而商疲商疲而販私而丁愈不可問矣丁不可問卽殷商悉爲所累究何法以懲之 僕 粵人也謹援故老所流聞畧仿柳宗元晉問之詞以少抒其諷諭之情而成此賦固未敢與郭璞閻伯興諸子競短長爾其詞曰

有錢唐估客問於南海釣師曰青州厥貢時重鹽繇鹽筴立於齊國鹽盆權於漢時或生鹽井或產鹽池擅山海而乃富出木石而轉奇惟粵名田盡辨物宜吾子殆

樂堂文集卷十

上

生長於斯者敢期爲我一一詳言之師應之曰鹽官置粵肇漢元封都尉設於吳之某王巡院立於唐之肅宗由兩宋以迄我朝職官有表食貨有志幾於月異而歲不同而粵中鹽利且與兩淮兩浙長蘆山東而代雄矣鹽亭有驛李吉甫元和郡縣志之所徵焉鹽場鹽棚王存元豐九域志之所稱焉以至劉恂嶺表錄異所稽周去非嶺外代答所評而鹽田之制均未嘗切究而講明也俯近滄溟帶山灣浦自廣肇惠潮以泊高廉產鹽者六府分廣東海北海之場而王伯厚玉海之所書宜亟補博茂電茂小江大洲淡水鹹水蠶村調樓海矮矮筒

樂堂文集卷十

上

小靖招收碧甲海甲白石丹兜不能遍數利與穀侔蓋前明額設者二十有七所至我朝而舊章率由其爲田也有港有隄有溝有竇有池有牆有槽有漏潮汐汛消長之期風雨卜陰晴之候沙平布以如砥水周環而若瓮虞其涸而日屏者三以耐水鹹而取蟹沙鹽相雜風日兼美置之漏而未乾淋以水而能已鹽鹵乃流沙沈於底始則覆之以蒹葭繼則投之以蓮子鹹潮久退燭火不起或更試以雞卵魚苗莫不與飯而俱浮矣其熟鹽則煮之竹簍塗以蜃灰容卅廿斛煎三五回胡入爨而不焦本柯亭之笛材元霜既搗蟹雨何來倏煙霏而霧結蘆海氣之樓臺其生鹽則最苦雨淋端宜日炙棚淨無塵池平有石廓平陸以霞明亘前村而月白俄愁霖之兼旬均束手以無策綜一漏而計之冬春日微日得一石而多損夏秋日盛日得二石而轉益五畝之田歲四十收而鹽幾二百石也於是陸運海運山居水居監司無臥收之引獐獐甯淡食之虞價微則民無不足得易則丁皆有餘下以供嶺海軍農之要上以佐朝廷倉庫所需恒估利者十倍僅通行於一隅粵西原賴江右遠求指七閩而擊機望三楚以通舟楫惟閩省黔獨一州膏津雪積委路霜稠交廣則公私同悅東南

之擾匱何憂蓋鹽田粵之大寶又天地自然之美利而殆非蕃舶所能備客曰是皆然矣方今

皇帝盛明海隅清晏度支非桑孔之倫寇盜絕孫盧之患且也守支搭配弊已宿懲乾沒并兼奸仍立辨王守仁之議上定例恰符劉堯誨之疏陳舊規誰變吳震方書之雜記今則無其事也屈大均載之新語今又殊其制也而近且國課急而商計虧餘鹽溢而正額滯才慙學士竟有私嵯勢非平章公然遽取李林甫之生計凶狡可知王伯齊之往來姓名莫問豈積久而弊叢令智勇之俱困願借箸以籌之庶悉聞乎議論師應之曰夫興利者務除其弊而塞流者貴杜其源今子無乃知漏卮之良足惜而未審易輟之匪易言哉

聖天子皇輿遠馭

帝網宏施重臣膺崔浩之錫大府蒙劉晏之知細微之闕出安可愆而飢寒之坐困殆可危粵商當積重難返之餘久無起色西北兩綱傳誰登乎貨殖而顧以中綱爲極商收私而鈎通者固其職矣商賈私而影射者尤難悉矣遍地皆私而官估復高價反爲其所抑矣且令商煮鹽柴紹炳之論殆未易行也就場稅鹽李雯之說亦未甚精也惟秉廉能以率屬先矯情而警輕望似崇

樂志堂文集卷一

主

山之峻心如止水之清其下化之食不必魚尾猩脣服不必冰統霧縠使不必倭僕妖姬居不必瑤臺夏屋將見家之貧者可轉而使富而鹽之乏者可糴而使足遠報轉輸均思儲蓄斯時竈丁亭戶衣食焉食焉不敢欺作焉息焉不敢暇朝與程功夕同論價駕帆檣而安往給米鈔而誰假而不然者原按籍而可稽豈託詞之能辨問澄汰之誰宜冀觀摩而漸轉謂驕橫之已極慎搏擊所當先能以古而爲鑑知防患於未然涓滴之水終成洪川苟隱憂之方始反不如於石田誠不欲見粵人之安處而蚩蚩者輒垂涎於利權

樂志堂文集卷一

古

紅梅驛賦 有序

紅梅驛在梅關南六十里江右襟帶嶺南咽喉亂山四圍孤城一角古幹環堞飛英拂檐殆踰粵嶠者必經之站矣侯頻年下第竟月杜門離筵傾竹葉之杯小院逗梅花之信嗟嗟楊誠齋謫偕同舍端許謫仙范蔚宗別住長安儻逢驛使屢爽蘿坑在番之約待作鄧尉之游憶故人之各別俱歷秦關裁小賦而遠貽幾同息壤詞曰

樂志堂文集卷一

五

謂紅梅驛者非邪爾其橫浦相錯中臺屹然大庾則峯巒詰屈保昌則岡阜綿延緣火運迄黃田圍閩洞開南北地懸誇佗龔之門戶閩宋明而纒連丞相之荒祠無恙將軍之故宅在焉閉閤博徵士馬精妍乃有樹雜古今剪分寒暖出林畔以仍遮亞道旁而不斷寒月相催征塵待澣兼別恨以模糊並離愁而美滿輕郵迢遞以難窮古戍荒涼而莫伴擁琴劍以爭看馳輪蹄而誰管畫角吹忙冷裝行緩况復紅白相間天開畫圖一里半里三株兩株臉塗脂而步履肌沁酒以當壇盼斜陽於落木訝遠燒於平蕪四山之寒火不熟一騎之春雲特

樂志堂文集卷一

六

腴復何殊於鏤冰刻玉滴粉搓酥各嫣然以一笑忘僕僕於征途則有大帥辭朝重臣開府閩險隘於中原盼關山於南武擁重裘而有霜撲雙旌而似兩西湖之別不妨東閣之觀宜補買栽卅本而不遑開報五分而誰主若夫左遷絕域遠徙殊方冬春鈴鐸晨夕車箱屹鳥蠻花兮君不見山郵水驛今夜何長此際有天涯之感何人無歲暮之傷行萬里而偶駐折一枝而斷腸若乃崔駟不樂王粲依人宰輔之安排恐傲王公之留盼誰真伴林逋而未可學張雨以無因實迥殊於桃李奈並謫於風塵疲驢此地瘦鶴前身以至貨布遙通珠犀遠販匪宜稱而何知縱寵榮而莫顧羅幃無守護之思銅笛鮮飄零之怨任開落之番番適淹留之頓頓雪虐風饕香銷粉褪花總無言殆閱人者不知其幾千萬矣又有蘇季上書蘭成射策狀頭之手段交推承旨之文心相隔冷撥孤筇豔留雙屐紙帳梨香罽袍絮白感身世而低徊問時光而惋惜殘年則酷易周迴故國則猶然咫尺霜薄林丹雪深苔碧更有李廣難封諫議誰觸命駕無由攜尊相屬羌祖別而饒離觀園花之如玉則請望遠登高爲奏落梅之曲曰驛路經今迢迢驛梅開今寂寥看花兮意得折柳兮魂銷直衝雪於金臺豈等詩

於瀾橋又曰嶺外兮故山嶺北兮歧路春信兮將闌征
輶兮誰住梅子結兮青青行人往兮如故

樂志堂文集卷一

七

羊城燈市賦 有序

燈市亦嶺南舊俗天下同之無甚異者說者謂年來夷
氛未靖百貨壅闕而燈市之盛獨一例從前良可慨也
爰爲賦曰

上春正煖元日剛晴微風似翦麗月如冰記五羊之風
俗各還燈與送燈老城新城大市小市 並街名 四牌樓分
雙闕門峙八旗之閑散萃焉五嶺之暄妍如此以迄玉
帶河傍繡衣坊裏莫不駕六轡而海遠扶雙鳳以雲高
如金瑣碎似玉堅牢矗雲霞於北郭照煙月於南濠列
繡摘錦剪紅刻翠蟲魚鳥獸之全獅象鸞龍之異笑兒

樂志堂文集卷一

八

女之深情話英雄之故事拗勺藥以欄低綴葡萄而架
備蘄蔔微香芙蕖淺醉鏤金錯采於沿街炫服靚粧於
列肆城闌士女保社童兒綠腰鼓鬧藍尾杯宜粉裝玉
琢紙醉金迷百花連理一樹交枝樣分時世價論昂低
拌十千於一擲慶三五之良時攜歸瑣第買供叢祠祝
融元武三界華光元壇金華壯繆文昌競報賽於同社
分祈禳於各坊淹旬痛飲排日歡場亦見豐年之瑞假
言宜子之祥地煥不寒月明長在繡幕羅帷香輪寶蓋
博大昌明陸離光怪霄騰帝所之游珍重龍華之會傀
儡戰棚鞦韆絲索七寶莊嚴十分雕琢透鶴儀以瓏玲

賡既膏而灼爍盡態極妍鉤心鬬角告比鄰以舊例笑

燈首其何多燈首新語誰家弦管到處笙歌賞玩興闌

吉祥語熟任各各以相酬餉家家而未足堆盤生菜壓

檐爆竹百子千孫延禧集福待吳越之金錢展良宵於

十六積習難移繁華可知胡相承以凋瘵仍未改夫澆

漓慨自籌海無功征蠻屢誤權場已分估客誰訴嗟合

市之非昔訝張燈其如故已矣哉鑼響徹平明充闔吉

兆徵油燈作紅穗宛聞太息聲

羊城燈市後賦有序

燈市之繁華浸不逮昔則時局愈可知矣茲幸未然也復爲之賦曰

微風富麗明月澄鮮互市僊城之地試燈元夕之天依然佳節同慶新年交葉重花折枝連理十色九光嫣紅姹紫白大丹鷄鸞皇獅子掣海長鯨朝天獨鯉華戎爭戰之場今古興亡之局將相王侯漁樵耕讀佚女奇緣老仙閑福鬚眉刻露面目本來裨官小說舞榭歌臺臨蘭亭以縮本創畫院之新裁傾城縱觀入市空同錢神誰論燈社同開有廟洞焉開街如沸三城之雲履紛來

浹月則壺觴迭醉寶馬香車遺簪墜珥鼙鼓鸞簫綠衫紅較寸草有心蠻花欲避普放光明自在游戲富夫天下無爲粵東全盛天氣舒和月華端正觀節物之宜人當踏歌而共慶若乃方盟結贊未斬樓蘭仍虞反覆倍恐凋殘謂驚魂之甫定卽照影而誰看亦復結習相沿豪華未減萬影分光百層吐燄比屋喧闐竟街裝點任事者期狄武襄之才撫時者抱陳季慈之感然而太平有象冷暖自知苟瘡痍之實甚業燈火之依稀仍足慰夫岑寂終未逢夫亂離燈供儘清華偏同富貴家買得端宜佛菩提葉作紗

樂志堂文集卷二

南海 譚 瑩玉生撰

酒帘賦一 有序

前明石文介珩撰酒旗賦備述前明榷酒弊政我朝無是也對酒而極言時事已覺不倫况酒旗又可以概酒耶且其前所觀縷猶有未詳者韓非子宋人有酤酒者懸幟甚高洪邁客齋隨筆今都城及郡縣酒務凡鬻酒之肆皆揭大帘於外以青白布數幅爲之唐人多詠於詩楊慎丹鉛總錄幟謂之帘帘謂之酒旗唐韻云帘酒家望子也爰廣其意以爲之賦其詞曰

屠酷之輩見輒欣然興何可敗若乃飲論文字會醪壺
觴落紅鋪座綠陰署堂

黃山谷集有錄陰堂記

詩句賭高王之擅

笛聲懷嵇阮之亡待車公者文靖見太白者知章吟成

卽景迭貽奚囊別有湖海飄零英雄遲暮司業久貧將

軍乃故無錦纏頭之可費失金叵羅而奚與王子淵則

便了不行馬賓王則主人不顧憐拂帽之相招

見黃山谷詩

樂典衣而始去更有磨鏡能來吹簫可乞車聲學雷劍

光如月仇拚質首怨憐刺骨相逢則白犬丹雞獨飲有

銅琶鐵撥列頸交深埋頭事決觀遠影之昂藏觸雄心

而鬱勃卽至莫通名氏甘作隱淪山中樵者江上漁人

樂志堂文集卷二

二

冠欹筇篠以辭醉被易蘆花而諱貧炊烟野渡燈火比

鄰亦相攜而共盼知獨醒之非真復有鬪草芳郊拗花

空谷從各如雲人原比玉撲蝶方嬉所蠶待卜微酣而

誰暈檳榔小醉而頻簪躑躅斜日危闌香風板屋已點

屐而仍迴非湔裙而誰覲以至滄桑小閣眷屬皆仙還

經萬里別總千年岳陽樓當非故物餘杭姥倘有前緣

風月如舊琴樽宛然鸞鶴相識麾幢駐焉莫不開筵覓

酒沽酒望帝餌殊芝木要倍齋鹽豈低昂之各別要結

括而無嫌惟三百杯偶逢袁紹而二萬錢莫與陶潛論

挂瓶之製異

見容齋隨筆

思折券而愁添亂日飽啖五侯鯖

敢笑揚雄吃平生麴秀才學參米汁佛又曰當代酒人
多觥籌獄奈何公榮不可及慎向酒帘過

樂志堂文集卷二

三

酒帘賦二 有序

酒具之可畫者惟風帘而已矣僕未嫻畫理夙愜觴情
追憶歡場都成妙繪爰爲小賦庶幾宋畫院竹鎖橋邊
賣酒家遺譜云

使當露初星晚之天環炭標鏝之地腦滿腸肥金迷紙
醉倒山簡之接羅舞王郎之如意引濁酒而不辭話小
帘而誰記唯當東風急處斜日圓時落紅似雨垂柳千
絲幾家臺榭昔日圓池賞到傳柑之節游逢挑菜之期
捉絮特留相撲拗花誰最相思以至踏殘葉於空廊拾
墮樵於簷井紅樹遶山碧雲漫嶺斷碣訪而雞黍局移

樂志堂文集卷二

四

遠鐘敲而茶瓜會請疎風冷雨之辰瘦蝶寒蠶之景懸
蘿則白版門欹叢菊則茜紗窗靜又或稻花村落菱葉
陂塘放鴨船歸野店釣鱸人住江鄉霞學繡而轉碧月
如弓而儘黃蘗絲滌暑菰米吹香犬吠芭蕉以外見林
企忠翠霞軒飛笈簪之旁復有閭巷無人關河欲雪湖
稿甫影詞山皆水墨峯巒城郭有金銀官闕權漁舟而訪友前村
擁駝謁而尋僧古刹蓬響鏗然屐聲幽絕縛因松樹而
稍偏出壓梅花而欲折到處勾留無因護惜瞥見可知
相憐已極去去行行尋尋覓覓喜歡伯之招邀逗醉鄉
之消息目斷街懸魂銷路隔况復隔山萬里湖海連年

輪蹄不駐琴劍飄然鶯花如夢壺榼皆仙脫錦袍而有
願停王鞭而倍憐亦有公子飄零才人落魄典衣足償
折券誰諾慙鄭莊之未交憐劇孟之不作當絕境而彌
佳第壯心之如昨已矣哉風雨感斯文杜牧傷春思詩
句酒帘多莫問緣何事春花秋月任尊空挈鷺提隲處
處同不負韶光拚一醉心情先付酒帘中

樂志堂文集卷二

五

素馨燈賦

三城伫豔一水吹香浦霞猶麗街月初黃花田采以成簇燈市張而列行鑲冰雕玉解佩垂璫驚四照以難擬惜九微之未光種移西域豔播南州大夫紀悉侍女名留城西河南莊頭柵頭色清香醅葉碎枝柔剛曉露以頻摘恰朝暾而并收七門雪暝萬井霜秋既縮花梳復盤珠掠雜名香而夕供參苦茗以徐嚼別有良工乃矜新製引絲縷以旁穿紐銀絲而小繫片玉闌珊真珠瑣細結葳蕤以玲瓏垂瓔珞以搖曳錯之木槿之濃間以海棠之麗鉤心關角接葉聯枝瑣蓮的的芳苒離離珍

樂志堂文集卷十

六

如瑪瑙燦倍琉璃萬錦千絲之幻駝頭雁足之奇銀幡寶蓋翠羽金支例蟬翼而薄似狀龍鱗而簇宜滿注南油間然北燭全分蕤桂之烈自掩燒蘭之酷七采裝銀九光浮玉翠烟侵而放遲紅燄逼以開速紛婉變而吐葩各蓬鬆而暈粟星彩流丹月華炫綠吹百和於天闥陋金荷之已俗則見豪家里第著姓池臺珠履晨謁華筵夕開光隨酒至香逐歌來播芳風而颺閃延麗月以徘徊惜明珠之十斛拌絳蠟之成堆亦有公子烏衣佳人絳樹撒萬點之繁星蠶一簾之香霧洲拾翠而霞霏洞迷香而玉護甲帳留春瓊簾速暮期照灼乎丹心證

清芬於麝炷况當水榭端陽霞廊七夕迎綵棹以含薰照針樓而漾碧灼鳳腦於文舟燦龍膏於粉席珠幡舉而鯉窰重來絳節飄而鵲河不隔非吐餞以先香縱凝煤而儘白復有會供孟蘭醮禳火星羌列屋以排殿更中衢而結橋倣兒女之陳迹悉鸞龍之幻形旛幢益豔瓶鉢皆馨極此花之大觀遞送秋而靡停莫不織雨伴紗裁雲學帟芳馥于梅癸明似水楊用脩誇之以至豔黎美周賦之而畧備是廣州全盛之時補節物歲華之記重爲歌曰百寶綴流蘇如蘭復似雪誰似素馨魂千年心尙熱百日紅猶在穠華倏已非不隨燈火盡終學

樂志堂文集卷十

七

彩雲飛